

《佛說觀無量壽佛經》 補充講表

◎附表十四：

○觀觀世音

※《法華經會義》云：「觀者，能觀之智，即一心三智也。世音者，所觀之境，即十法界

機也。境智雙舉，感應合標，故名為觀世音。」

○舉身光中，五道眾生、一切色相，皆於中現。

※《觀無量壽經義疏》云：「五道眾生，合修羅故。菩薩垂形五道，救苦眾生，故於光中

現其色相。」

※《法華經》·普門品云：「種種諸惡趣，地獄鬼畜生，生老病死苦，以漸悉令滅。」

○其天冠中，有一立化佛，高二十五由旬。

※《觀無量壽經義疏》云：「冠中化佛，以表帶果而行因故。」

○如此菩薩，但聞其名，獲無量福，何況諦觀！

※《法華經會義》·普門品云：「《觀音三昧經》云：【先已成佛，號正法明如來，釋迦為

彼佛作苦行弟子。】《悲華經》云：【過去寶藏佛時，轉輪王第一太

子，三月供佛及比丘僧，發菩提心。若有眾生，受三塗等一切苦惱，

若能念我，稱我名字，為我天眼天耳聞見，不免苦者，我終不成無上

菩提。寶藏佛言：汝觀一切眾生，欲斷眾苦，故今字汝為觀世音。】」

○有緣眾生，皆悉得見。

※《印光大師文鈔》·石印普陀山志序云：「至若水昏而目盲，則不能見；非月不現，是

昏盲咎。其感應之跡，有「顯感顯應」，「冥感冥應」，「冥感顯應」，「顯感

冥應」，「亦冥亦顯感而顯應」，「亦冥亦顯感而冥應」之不同。……（【顯

感冥應】者：現生竭誠禮念，不見加被之跡；冥冥之中，承其慈力，凶

退吉臨、業消障盡等。【亦冥亦顯感而顯應】者：宿世曾種善根，今生

竭誠禮念；顯蒙加被、轉禍為福等。【亦冥亦顯感而冥應】者：宿世曾種善根，今生竭誠禮念；冥冥之中，承其慈力，獲種種益也。

了此則知功不虛棄，果無浪得；縱令畢生不見加被之跡，亦不至心生怨望、半途而廢。感應之道，微妙難思；略書梗概，以勸來哲。）

其應之大小優劣，在其誠之至與未至而已。縱令心不諦信，致誠未極；但能一念投誠，亦必皆蒙利益。但隨己一念之誠，而分優劣；不能如竭誠盡敬者，蒙益之殊勝超絕耳。如昏水中，亦有月影，但晦而不顯；盲人雖不能親見月光，又何嘗不蒙其照燭也？」

○此菩薩行時，十方世界，一切震動。

※《法華經會義》卷一云：「得大勢，亦名大勢至。《思益經》云：【我投足之處，震動三千大千世界及魔宮殿，故名大勢至。】……觀心者：三止（體真止、方便隨緣止、息二邊分別止）為足，投三諦地。動十法界，一切見愛所住之處，皆悉傾動。」